



Awenewenen Taropwen aeoeo

Noum awenewen ngeni ewe taropwen aeoeo ren Oregon Health Plan aninis

Kaeo usun ewe Oregon Health Plan ika aeoeo online non www.OHP.Oregon.gov

Met ka mochen ekkei mettoch non ei taropwe non ew sakkun maak ika fosun fonu? Sipwe tongeni aninis. Kose mochen kori kich non **1-800-699-9075** (TTY 711) ika kopwe kan email eom tungor ngeni **altformat.app@state.or.us**. Sakonon maak epwe pachenong maak watte, Braille, teip, mettochun kapas fengen seni web me pwan ekkoch maaken elektroniks.

¿Necesita los materiales de este paquete en otro formato o idioma? Podemos ayudarle. Llámenos al **1-800-699-9075** (TTY [personas con problemas auditivos] 711) o envíenos un mensaje a **altformat.app@state.or.us** con su pedido. Entre los formatos alternativos se hallan: letra grande, Braille, grabaciones de audio, comunicaciones basadas en Internet y otros formatos electrónicos.

Если материалы данного пакета нужны вам в другом формате или на другом языке, мы можем помочь. Пожалуйста, звоните нам по телефону **1-800-699-9075** (телетайп для слабослышащих - 711). Вы также можете выслать ваш запрос на эл. ящик: **altformat.app@state.or.us**. Альтернативный формат – это документы, напечатанные крупным шрифтом, шрифтом Брайля, в аудио записи, общение по интернету или других электронных форматах.

Quý vị có cần tài liệu trong tập hồ sơ này bằng một hình thức hoặc ngôn ngữ khác? Chúng tôi có thể giúp đỡ. Xin gọi điện thoại cho chúng tôi tại số **1-800-699-9075** (TTY- điện thoại dành cho người điếc hoặc khuyết tật về phát âm-711) hoặc quý vị có thể email yêu cầu của quý vị về **altformat.app@state.or.us**. Hình thức thay thế bao gồm in khổ chữ lớn, chữ nổi Braille, băng thau âm, truyền tin trên trang mạng và các hình thức điện tử khác.

Masowen

Meta ei awenewen epwe kan for ngenuk?	3
Me ka mochen aninis amasowanong noum taropwen aeoeo?.....	3
Meta ei ewe Oregon Health Plan (OHP)?.....	3
Epwe ifa taman me mwan upwe sinei ika uwa naf ren?.....	3
Kapas eis kopwe kan eis	3
STEP 1 — Ereni kich usum	4
Itom fan annuk me iit ka finata	4
Met ka mochen kopwe emon(mwan, fefin, ...)	4
Nampan Social Security.....	4
Email address	4
Addressin imwom, addressin noum taropwen posto	4
Emon mi mumuta pwe epwe tipwenuk me pwan emon epwe moni	5
Kapas eis ren amasowan eom takisis	5
Eom aninisin safei me mwan	5
Program kena ra kan anongenong won ierum ika eom chuun ika osupwangen mokutukut	5
Aeoeo ren ika sopwesopwenon aninis	5
Porausen eom mwichen indian	5
Napenapen eom nonom ikei	6
STEP 2 — Pwan ekkoch chon nonom non imwom	7
Efinefinen chon non imwom ngonuk	7
Chon tumunu chon nonom non imwom	7
STEP 3 — Moni tonong me eiemuno	8
Moni tonong seni angang(s)	8
Moni tonong seni pwan ekkoch neni.....	8
Eiemuno	8
Moni tonong iteitani ier	8
STEP 4 — Pwan ekkoch kapas eis usun imwom.....	9
Pwan ekkoch addressin chon nonom non imwom	9
Pwopwo	9
Chuun ika ese mokutukutufocheno.....	9
Finata ew health plan non nenieom, ra pwan kan aiita ngenir ew CCO	10
STEP 5 — Eom health insurance iei	11
STEP 8 — Aneani me saini	12
Eom pung me met kopwe fori	12
Repotini siwin kena	14
Met mi pwan wor ekkoch noum insurance	14
Asainin momo me met kopwe monano	14
Pwan ekkoch poraus	15
Moni tonong me afatan pisekum.....	15
Paking ren amweten pisek.....	17
Aporausen me Sainin iten.....	17
APPENDIX A — Chinap me Aramas mi wor osupwengen mokutukutur (Medicare)	18

Meta ei awenewen epwe kan for ngenuk?

Ei awenewen a kan ngonuk poraus me afanefan usun chomong kinikin non ewe *Taropwen aeoeo ren Aninisin ewe Oregon Health Plan*. Ika pwe mi wor eom kapas eis usun ew kinikin ese kan nom non ewe awenewen, kose mochen kori **1-800-699-9075** (TTY 711).

Met ka mochen aninis amasowanong ewe taropwen aeoeo?

Chienach kena non neniach repwene kan anisuk ne amasowanong ewe taropwen aeoeo. Ese wor momon.

Churi **www.OregonHealthCare.gov** ren eom kopwe kuna emon chienach chon aninisin neniach non nenieomuna.

Ika, kori kich non **1-800-699-9075** (TTY 711) ren eom kopwe angei aninis ika eis ren ew lisen chienach non neniach kena. Kopwe kan eis ren aninis non ew kapasen fonu mi kono, pwan.

Meta ei ewe Oregon Health Plan (OHP)?

Ewe Oregon Health Plan (OHP) a pwonu tumunun safei, tumunun ngii, tumunun semwenin non mokur, me pwan aninisin eaea ngawen safei ren aramas nap me pwan semerit non Oregon. OHP ii a pwan sinei pwe Medicaid.

Ren chomong proraus usun OHP, kopwe no **www.OHP.Oregon.gov** ika kori kich non **1-800-699-9075** (TTY 711).

Epwe ifa taman me mwan upwe sinei ika uwa naf ren?

Murin ach fofori noum we taropwen aeoeo, sipwene koruk ren ach sipwe erenuk pwe kopwe sinei en ka naf ren. Ika sia mochen chomong mo poraus ren ach sipwe fori ach finita, sipwene tinngonuk echo taropwe. Ewe taropwe epwe erenuk met poraus ese wor me pwan ifa usun eom kopwe tinngeni kich.

Ika pwe mi wor ew eom atepwanepwanen mochen ren safei ika ka kan pwopwo, kose mochen kori kich non **1-800-699-9075** (TTY 711) ese nifinifin fansoun murin eom ka kan tinanong noum we taropwen aeoeo.

★ Kapas eis kopwe kan eis

Kapa seis kopwe kan eis ra kan esisin fiti ew fuu mi araw (★). Mi wor ekkena kapa seis kopwe kan ponuwani. Ika pwe kose kan ponuwani ew kapa sei kopwe kan ponuwani, iwe epwene tameno fansoun foforon noum we taropwen aeoeo.

Ika sia mochen chomong mo poraus ren ach sipwe finata ika pwe ka naf ren pwonupwonun semwen, iwe sipwe tinngonuk ew atoto ren ach sipwe erenuk pwe kopwe sinei meta kewe sia mochen.

STEP 1 — Ereni kich usum

Non **Step 1**, sipwene eis ren popunapen porausom. En kopwene kan ach aewin sipwe kokori. Kose mochen awasano Step 1 nge ika mo pwe ka kan chok aeoeo ren ekkoch chon non ewe imw.

1. Itom fan annuk me iit ka finata

Itomuwe me fan annuk epwe ewe iit a kan eaea seni ewe Social Security Administration ika a kan kawor ngeni ewe Social Security Administration won ew taropwen aeoeo. Itomuwe me fan annuk epwene pwan pwano won taropwen immigration, ID a kawor seni mun ika taropwen uputiw.

Sia kan eaea electronic database ren ach sipwe cheki ewe poraus ka kan ngeni kich won ewe taropwen aeoeo. Sia eaea itomuwe me fan annuk nupwen sia cheki ekkei electronic database. Kopwene kan anea chomong usun ewe database sia eaea non ewe “Anea me Saini(Read and Sign),” kinikin poputa won peich 11.

Itomuwe fan annuk ii ewe iit sipwene eaea nupwen sia tinawow eom we atoto.

Itomuwe ka finata epwene eaea nupwen ka kan kori kich. Sisapw eaea ei won atoto kena.

3. Met ka mochen kopwe emon (mwan, fefin,...)

OHP a kan eis met ka mochen kopwe emon (mwan, fefin,...) pokiten epwene awena kich non ach ngonuk tumun kena epwe fakkun eoch ngeni met ka moche. Kosapw pwan ii ereni OHP usun met ka mochen kopwe emon (mwan, fefin,...). Eom ngeni kich ei poraus epwe chok nemenemwom me pwan esapw ngaw ngeni eom naf ren aninis.

4. Ika pwe ka kan aeoeo ren aninin OHP reom, met mi wor noum nampwn Social Security (SSN)?

Epwe kan wor ew SSN ren meinisin ekkena ra kan aeoeo ren aninin safei me pwan ekkena a wor ar. Ika pwe ka kan aeoeo ren aninis nge ese wor noum ew SSN, ereni kich popun ese wor ew noum SSN. Ika pwe ka kan mochen aninis ren aeoeon ew SSN, kokori kich non 1-800-699-9075.

Chon non imw kena rese kan aeoeo ren aninis resapw kan pwan ngeni kich ew SSN ika ereni kich pwata ese wor nour ew. Nge, ngeni kich ew SSN epwene kan amutirata ewe foforun ewe taropwen aeoeo. Sia eaea noum we SSN ren an epwe anisi kich afata ekkewe poraus ka kan ngeni kich, usun ukukun monitonong a wor reom.

5. Email address

Ka kan tongeni eisini kich pwe sipwe tinngonuk atoto me non electronic. Ika ka mochen atoto kena non electronic, kopwene kan forata ew accoun online non **www.OHP.Oregon.gov**. Murin eom forata noum we accoun iwe kopwene kan ereni kich ika ka mochen eom kewe atoto seni email ika text. Murin eom ka kan saininong ren atoto kena seni electronic, sipwene kan tinngonuk echo taropwe fiti chomong poraus usun ifa usun eom kopwe angei noum kewe atoto seni electronic me pwan met sakkun atoto kena ra kan chuen titiwow seni posto.

8. Addressin imwom

Kose mochen awora ew addressin imwom, ika mi wor ew. Kopwe tumun pwe kopwe apechanong eom ZIP code. Sia mochen ewe ZIP code ren addressin imwomuwe ren ach sipwe tumunu pwe ka kan tonong non ew health plan kena a kan angang ngeni nenieom na.

Ika pwe ese kan wor eom addressin imwom, kose mochen awora ewe county, state me ZIP code ren ikewe ka kan nonom non taman fansoun.

9. Addressin noum taropwen posto

Kose mochen awora ew addressin noum taropwen posto ika pwe:

- Kose kan angei noum taropwe seni posto non eom we addressin imwom; ika
- Ese kan wor eom addressin imwom; ika
- Mi wor eom noninen ren tumunum, mi pachenong afeiengawen non imw.

12. Met ka mochen finata emon mi mumuta pwe epwe tipwenuk ika chomong pwan ekkena repwene kan pwan momoni?

Met ka mochen finata emon mi mumuta pwe epwe tipwenuk epwene kan fofori mettoch fan itom usun chok awasano taropwen aeoeo kena me pwan repotin siwin kena.

Ewe pwan emon chon momo epwe ii emon aramas ika mwich kena repwene kan angei me pwan eaea ekkena aninis ren fan itom. Ewe pwan emon chon momoni epwene eaea ekkewe aninis reom, nupwen kose kan tongeni ika pokiten ka kan mochen pwe repwe. Ewe pwan emon chon momoni ese tongeni an epwe eaea eom kewe aninisin safei ika ekkewe aninis ra kan angei fan itom ren pusin ir. Aninis repwe tongeni eaea ren fan itom epwe pachenong mettoch usun ew momo ren aninisin foritan ew anen wheelchair.

14-15. Kapas eis ren amasowan eom takisis

Ekkei kapas eis repwene anisi finitan porausen io, pachenong monitonong, sipwe kan eaea ren ach sipwe finata meta ka kan naf ngeni. Sise tongeni ponuwani ew sakkun kapas eis ren ifa usun eom kopwe kan amasowanong eom we taropwen takisis. Ren eom kopwe kapas usun kapas eis rem ifa usun eom kopwe amasowanong taropwen takisis, kose mochen churi www.irs.gov ika kapas ngeni emon chon angangen takisis.

17. Eom aninisin safei me mwan

Ika pwe ka mochen aninis ren momon eom safei seni ekkewe unungat meram me mwan, kopwene kan mutngeni kich pwe sipwe sinei. Sipwene finata ika pwe omi kan naf ren pwonun safei ren ekkewe maram a wor eom momo rer. Sipwene tinngonuk ew atoto ika pwe ka kan naf ren pwonupwon ren ekkena maram. Ika pwe ka kan naf, iwe kopwene kan eisini ewe chon awora pwe epwe billeni OHP ren ekkewe aninis ka kan angei.

18. Program kena ra kan anongenong won ierum ika eom chuun ika osupwangen mokutukut

Nupwen ka kan aeoeo ren pwonupwonun safei, sia nengeni meinisin programen safei meni kopwene kan naf ngeni. Ekkoch ekkewe program sia nenengeni ra kan anongenong won ierum ika en mi chuun ika osupwangen mokutukut. Ika pwe sia nengeni ekkei program, iwe sipwene tinngonuk echo taropwe ren ach sipwe ateteni ew kapas eis ngonuk. Ewe poraus sipwene mochen non ewe kapas eis ngonuk ina a non non **Appendix A**.

19. Met ka kan aeoeo ren aninisin OHP ren pusin en? Ika pwe a kan wor eom OHP iei, met ka kan mochen sowesopwenon aninis?

Meni kosapw kan mochen awasano ew unusen taropwen aeoeo ika pwe emon chon non imwom a pwonupwon. Kopwene kan logenong non eom we accoun online ika kori **1-800-699-9075** (TTY 711) ren eom kopwe fofori ew ekkena mettoch mi lisitiw me fan:

- Apechanong emon ngeni eom we case
- Asofo sefani eom pwonupwon
- Repotini ew siwin.

20-22. Porausen eom mwichen indian

Akaworan ei poraus epwene anisi kich ach sipwe finata ika pwe ka kan naf ren ekkoch eom pung ren tonong (*nengeni peich 10*).

25. Met emi wor eom ususun eom nonom ikei mi lisitiw me fan?

Sia eaea poraus seni ei kapas eis ren ach sipwe finata ifa awukukun pwonupwon ka kan naf ngeni.

Ren ekkena kapas eis b-g, meni sipwene kan eaea ekkewe ponu ren ach sipwe cheki ewe poraus ka ngeni kich ren ususun eom nonom ikei. En kosapw kan ponuwani ekkei kapas eis nupwen eom awasano eom we taropwen aeoeo, nge epwene kan amutiri foforon noum we taropwen aeoeo.

Sakkun taropwen eom nonom ikei me pwan kato ika nampan taropwe

Nengeni ewe lis me fan ren ekkoch sakkun taropwe ra eaea iteiten me pwan nampaar. Ika pwe ewe taropwe a wor noum ese lisitiw, iwe kopwe kan chuen maakei iten. Ika pwe ese wor reom meinisin ekkewe poraus, iwe kopwene kan nikiti ewe kapas eis blank chok. Ika pwe sia mochen, iwe sipwene tinawow echo taropwe ren ach sipwe angei pwan chomong poraus.

Ika pwe mi wor reom ekkei sakkun taropwe:	Maaketiw ekkei ren ewe kato ika nampan taropwe:
Katon chon nonomofochono, "Kato mi araw(Green Card)" (I-551)	Nampan Registerin Emon seni nukun Nampan Kato
Mumutan Tonong sefan (I-327)	Nampan Registerin Emon seni nukun
Taropwen Sai ren Chon suseni nenien moun (I-571)	Nampan Registerin Emon seni nukun
Katon Mumutan Angang (I-766)	Nampan Registerin Emon seni nukun Nampan Kato Ranin Sopwenon Coden Atetenin
Visa ren Etto ikei mi kan tongeni anea seni misin (<i>fiti amwochomwoch I-551 fosun fonu</i>)	Nampan Registerin Emon seni nukun Nampan Passport
Amwochomwoch I-551 Stamp (won passport ika 1-94/1-94A)	Nampan Registerin Emon seni nukun
Tori ikei/Suseni ike Rokoton (I-94/I-94A)	Nampan I-94
Tori ikei/Suseni ike Rokoton non passporten fonuwen nukun(I-94)	Nampan I-94 Nampan Passport Ranin Sopwenon Fonu a katowow seni
Passport seni fonuwen nukun	Nampan Passport Ranin Sopwenon Fonu a katowow seni
Taropwen Naf ren Ususun Chon Sukun resapw Etto ikei me nukun (I-20)	SEVIS ID
Taropwen Naf ren Ususun Chon etto ikei ren Kekesiwin (DS2019)	SEVIS ID
Atoton ren fofor (I-797)	Nampan Registerin Emon seni nukun ika ew nampan I-94
Ekkoch	Nampan Registerin Emon seni nukun ika ew nampan I-94 Porausen ewe sakkun ika iten ewe taropwe

Ren chomong taropwen etto ikei mi pwan naf, sopwesopweno ngeni ewe peich murin.

Kopwe kan pwan tongeni lisini ekkei taropwe:

- Taropwe kena mi pwarata pwe emon chon ew mwichen Indian kena ewe mun nap mi kan sinei ika re Inidian seni Merika ra kan uputiw non Canada
- Taropwen naf seni ewe Ofes ren Anonomun Chon suseni moun (ORR)
- Taropwe kena mi pwarata amwochunon ar atowowu
- Order seni Ofes a awukano fofor ren kadowow seni ewe Ofesin pekin tumunun fonuach (Department of Homeland Security) (DHS)
- Taropwe seni ewe U.S. Ofesin pekin Safei me Anisinin Aramas (Department of Health and Human Services)(HHS) Ofes ren Anonomun Chon suseni moun(Office of Refugee Resettlement)(ORR)
- Tonongen re Cuba ika Haiti
- Chon American Samoa

STEP 2 — Pwan ekkoch chon nonom non imwom

Non **Step 2**, sia eis ren popunapen poraus usun ekkewe ekkoch chon nonom non imwomuwe. Ren poraus usun ekkewe kapas eis kewe sia pwan eis usun ewe aewin aramas sipwe kan kokori, kose mochen nengeni ewe kinikinin me mwan ren ei *Awenewenen taropwen aeoeo*.

4. An aruwomanen aramas 2 finefin ngonuk (aewin aramas sipwe kokori)

Sia mochen sinei ifa usun eom finefin ngeni ewe aewin aramas sipwe kokori. Ekkoch awewen finefin repwene kan: semen me inen, semen me inen seni an semen me inen pupunu sefan, noun punuwen seni punuwen me mwen, mongean, pwiin, inen semen me inen, semen inen me semen, mongean semen/pwiin inen, pwiin semen/mongean inen, me noun pwiin semen ika mongean inen/mongean semen ika pwiin inen. Ika pwe ausekan finefin fengen kopwene kan maaketiw “sise finefin(unrelated).”

5. Ika pwe esapw en inen ika semen aramas 2 ika semen me inen seni an semen me inen pupunu sefan, met en ar akaewin chon tumurur?

Ewe aewin chon tumun ii emon mi kan fin ngeni emon semerit me pwan ii ekkan fori akaewin fofor ren tumunun ewe semerit.

En kosapw kan pwan ponuwani ei kapas ei ika ewe aewin sipwe kokori ii semen ika inen ewe semerit ika semen me inen seni an semen me inen pupunu sefan. En kosapw kan pwan ponuwani ei kapas eis ika pwe aramas 2 ii a kan 19 ieri ika nap seni.

STEP 3 — Moni tonong me eiemuno

Non **Step 3**, sia eis ren poraus usun eom monitong me eiemuno kena.

1. Monitonong seni angang kena

- Kose mochen ereni kich fita moni en me chon non imwom kena ra kan angei seni angang. Ewe moni epwe kan seni ew nenien angang ika seni pusin angang ngonukuchok.
- Ika pwe mi wor nenien eom angang, ereni kich ewe “unusenapen (gross)” monitonong ka kan angei. Unusenapen monitong ii ewe ukukun mom ka angei me mwan takisis ika eiemuono ra kan angeiwow seni mom.
- Ika pwe ka pusin angang ngonukechok, kose mochen unusenapen moni seni met ka fori. Ewe ukukun ka kan angei me mwen meinisni momon bisinis ra kan eiemuwow. Kopwene can aneani chomong usun pusin angang ngonukechok, unusenapen moni seni met ka fori me pwan meni momo epwe kan eiemuwow non www.irs.gov/individuals/Self-Employed. Kopwene kan ereni kich usun momon eom bisinis non kapa seis 3 sei ei kinikin.
- Tumunu pwe kopwe ereni kich ika eom monitonong a poputa ika ewukuno non ei maram. Ei epwe kan fori sakonon ika kopwe o ika kosapw naf.

2. Moni tonong seni pwan ekkoch neni

Ereni kich usun monitonong kopwene kan angei seni pwan ekkoch neni nge esapw seni ew angang. Mi wor ekkena ekkoch awewe mi lisitiw non ewe taropwen aeoeo. Ekkoch awewe mi pachenong:moni mi awukuk ren met ka fofori, moni tonong seni trusts, monitonong seni asukun, me mom seni sonfiu. Mei wor chomong sakkun ekkena ekkoch monitonong. Kose mochen kopwe kan ngeni kich met ka kan tongeni ereni kich usun no ewe kinikin “sakkun monitonong (type of income)” pwe sipwe sinei ika epwen anea ngeni ika esapw ren OHP. Ika mi wor noum monitonong seni eom mouno(alimony), ei esapw anea ngeni ren OHP. Ponuwani ekkewe pwan ekkoch kapas eis usun moni seni mouno(alimony)epwe anisi kich ach sipwe finata ika epwene anea ngeni ren OHP.

3. Eiemuno

Ereni kich usun eiemuweno kena me pusin angang ngonuk momo kena kopwe kan tongeni klemini won noum monitonong niwiinin takisis ren mun nap. Non unusenapen, ika pwe ka kan kleimeni ew tax credit non noum monitonong niwiinin takisis ren mun nap iwe kosapw pwan eiemuno ena momo non ewe chok ier a kan takisis. Sise kan tongeni ngonuk afanefanen takisis, nge kopwe kan chok chui www.irs.gov ika kapas ngeni emon chon angangen takisis ren chomong porauw mi napenap ngeni eom ena sakkun ngonuk.

4. Moni tonong iteitan ier

Ren ekkoch program ren safei, sipwene kan nengeni ewe ukukun monitonong ka kan angei ika met ka kan ekieki kopwene kan angei non ewe unusen ier. Tumunu pwe kopwe ereni kich usun meinisni ekkewe monitonong chon non imwom ra angei, ika repwene kan angei, ren ewe unusen ier. Tumunu pwe kopwe apechanong monitonong kewe ra kan angei nepoputan ewe ier, nge ika mo pwe ewe monitonong a kan keuuno iei.

Ren awewe, ka kan angei aninisin momon ese wor angang non January, nge ka kan poputani ew angang non February. Nupwen ka kan poputani eom we angang, ewe momon aninisin ese wor angang a keuuno. Kopwene kan apechanong ewe ukukun momon aninisin ese wor angang ka kan angei non ewe “Pwan ekkoch monitonong esapw seni angang(Other unearned income.)”

STEP 4 — Pwan ekkoch kapas eis usun imwom

Non **Step 4**, ponuweni kapas eis kena 1-6 ren meinisin lisitiw non noum we taropwen aeoeo, nge ika mo pwe ra aeoeo ren pwonupwonun safei ika rese, nge ika mo pwe ewe ponuwen a kan apw.

2. **Met emon ekkena ra kan lisitiw non ei taropwen aeoeo a kan nom non ew address mi kono seni ewe aewin sipwe kokori(*pusin en*)?**

Ika pwe emon ese kan nom non ewe chok imw usun ewe aewin sipwe kokori, sia mochen sinei ifa ra kan nom ie. Ekkewe pwan ekkoch kapas eis epwene mut ngeni kich ach sipwe sinei pwata ka kan apecherenong non ewe taropwen aeoeo. Repwe kan pwan anisi kich pwe sipwe sinei ika sipwe kan eaea porauser nupwen sia finata ika pwe ka kan naf ren pwonun safei.

Me fan mi wor chomong poraus usun ekkoch ekkewe neni emon aramas mi kan nom ie nupwen ra kan no non fansoun mwochomwoch:

- Ewe nenien tumun me non neniach mi kan laisen seni ewe Ofesin Aninisin Aramas(Department of Human Services)ren an epwe awora nongetamen tumun. Awewen nenien tumun me non neniach mi pachenong:
 - » Tumun seni Foster ren aramas nap
 - » Nenien Imwen tumun
 - » Nenien Aninisin nonom, me
 - » Imwen tumunun mwich.
- A nursing home ii ew neni a kan awora ew imw ren aramas kena pwe repwene nonom me pwan angei tumunun safei.
- Ika pwe emon chon non imwom a kan nom non ewe Oregon State Hospital, iwe kopwe kan cheki ewe pwor arun “a nom non pioin(Hospitalized.)”

3. **Met mi wor emon kewe non ei taropwen aeoeo mi kan popo?**

Ika pwe kose kan sinei ewe ranin nounouno, iwe kopwe kan chok awora eom asisin ika ekiekin awukukun inet eom we ranin nounou epwene inet. Ika pwe ka sinei fitemon menukon kopwene kan nouni, lisinatiw nampan fitemon. Ika pwe kose sinei, iwe kosapw amasowa me pwan sipwene kan finata eom naf nge anongonong won “1”. Ika pwe eom we ranin nounou ika fitemon menukon kopwene kan nouni a kan siwin, iwe kopwene kan kori kich nge mut ngeni kich pwe sipwe sinei.

4. **Met mi wor emon kewe non ei taropwen aeoeo a kan wor an popo sopweno seni uputiw ika ewe popo a kan nusuno me non ekkewe 3 maram a no?**

OHP program kena ra kan awora napenon pwonupwonun ngii me maas ren ekkena aramas ra kan popo. Ekkena anapenon pwonupwon mi kan pwan kawor ren ruwow maram murin ewe popo a sopweno. Sia eis ekkei kapas eis pwe sipwe fakkun sinei pwe sia ngonuk ewe aninis a pung.

Ponuweni kapas eis 7-15 ren chok aramas kena ra kan lisitiw non noum we taropwen aeoeo ekkena ra kan aeoeo ren pwonun safei non imwomuna.

11-12. **Met mei wor emon mi chuun ika ese kan mokutukutufocheno? Met mi wor emon ekan mochen aninis ren mettoch usun fetan, an epweno non ewe rumen angaseno, tutu ika tonong non uufen?**

Ekkoch aramas kena ra kan chuun, rese kan mokutukutufocheno, ika pwan mochen anapenon aninis fiti ekkewe mettoch mi lisitiw me won, naf ren napenon pwonun safei. Ponuwenin ekkei kapas eis ra kan anisi kich ach sipwe finata ika kopwene kan naf ren pwan ekkoch napenon pwonun safei.

14. Ereni kich efen mwichen chufengenin tumun (coordinated care organization (CCO)) ka kan finata ren emon me emon aramas:

Fini ew CCO plan non neniach

Meta ei ew CCO?

OHP a wor ren ekkena plan ren safei non neniach ra kan anisuk eaea eom aninis. Ekkei plan ra kan aiiti ngenir mwichen chufengenin tumun(coordinated care organizations)ika CCO kena. Ew CCO plan a kan wor ren ew mwich seni non neniach usun chok doctors, counselors, me dentists kena ra kan angang fengen pwe repwe tumunuk pwe kopwe pechakun.

Meinin CCO plans ra kan awora usun chok ekkewe popunapen aninis seni Oregon Health Plan. OHP a pwonu semwen, ngii, me tumunun semwenin non mokur. A pwan kan pwonu semwenin addictions.

Meta CCO plan kena ra kan nom non neniei ei?

Mi napen neni non ei state a kan wor ew CCO. Ekkoch neni a kan wor nap seni ew. Nengeni meta CCO kena ra kan kawor non neiom non www.bit.ly/CCOplans.

Nap seni ew CCO plan non nenieom? lei usun eom kopwe fini:

1. Kopwe no ngeni www.bit.ly/CCOplans ren eom kopwe kuna ew lisin CCO kena.
2. Nengeni fengeni ekkena CCO plan me pwan nengeni met ew me ew plan a kan awora.
3. Nengeni an ew me ew plan chon awora tumunun safei, pharmacy kena, pioing me pwan aninis.
4. Esapw meinin chon awora ra ngang fengen me ewe CCO plan non neniom. Ika pwe a kan fen wor noum chon awora, eisinir efen CCO plan ran angang fengen. Kopwe kan tongeni nengeni an ew me ew CCO lisin chon awora kena, iten ew "Provier Directory".
5. Finata efen CCO epwe pung reom me eom family.

Moneta eom kopwene finata ew CCO?

Kopwe no ren Step 4, kapas eis 14 non ewe OHP taropwen aeoeo. Ika pwe kose finata, iwe sipwene fori ewe fin reom.

Ekkoch chon OHP resapw kan nom non ew CCO.

Kosapw kan nom non ew CCO plan pokiten a kan pwan wor noum insurance ika mi wor popun ren semwen ren eom kosapw eaea ew CCO. Ei fan ekkoch a iten kato mi suki ka ese wor momon aninis.

Ese wor CCO? Ese wor osupwang. Kopwe kan kori **800-562-4620** ren eom kopwe kut aninis ren kuten emon chon awora ika eis kapas eis usun angaiin tumun.

Chon fiti Medicare a kan wor ekkoch fin.

Kosapw kan chok angei noum tumunun pechakunen inis(physical health care) seni ew CCO plan. Ika pwe kose kan mochen ew CCO ren eom tumunun inisum, kapas ngeni eom we ofesin DHS non neniom ren eom kopwe fori ekkei siwin. Kopwe kan kuna ew lisin ofes kena non www.oregon.gov/dhs/offices. Tiki "Chinap em aramas fiti osupwangen inisir(Senior and People with Physical Disabilities.)" Kopwe kan pwan eis usun Medicare plan kena fengen fiti CCO kena.

Re Inidian seni Merika me re Alaska me nom repwe kan eis ren ew CCO.

Ika en emon re Inidian seni Merika me re Alaska me nom, kopwene kan eis ren ew CCO plan. Kosapw kan automatikeni angei ew CCO.

Re Inidian seni Merika me Chon Alaska me nom kena ra kan eaea OHP resapw kan pwan chon ew CCO plan. Kopwe kan kut tumun fiti emon chon awora tumun ren safean Indian (Indian health care provider), usun ew nenien safei ren mwichen Indian ika ew nenien Aninsin Safean Indian (Indian Health Services (HIS)). Kopwe kan tongeni siwini ika towow seni eom we CCO plan non ew fansoun ka mochen.

Chomong ekken chon awora tumun ren safean Indian (Indian health care provider) ra kan angang fiti CCO kena. CCO plan kena ra kan fakkun aninis pokiten ra kan apechafengeni eom tumunun inisum, ngium, me pwan semwenin non mokur.

Sia aweweini Re Inidian seni Merika me Chon Alaska me nom kena pwe ir ew ekkei mi etto murin:

- Chon ew mwichen Indian, band, ika mwich kena ra kan sisinei me ren ewe mun nap.
- Emon Eskimo ika Aleut ika ekkoch re Alaska seni nom ra tonong seni ewe Seketerin Interior me fan ewe Re Alaska seni nom annukun kleim (Secretary of the Interior under the Alaska Native Claims Settlement Act, 43 U.S.C. 1601).
- Emon aramas a kan sisinei seni ewe Seketerin Interior (Secretary of the Interior) pwe ii emon Indian ren ese nifinifin popun.

STEP 5 — Eom health insurance iei

Ei step a usun pwonun safei kena *ese kan seni ew programen OHP*. Ereni kich ika emon aramas nap chon non imwom (19 ika nap seni) ii a kan aeoeo, ika emon semerit non ewe imw, a kan wor nour insurance ren safei. Pwan ereni kich ika mi wor emon ra kan eisini ren insurance ren safei ika ra naf ren. Ren ew awewe, emon a wor nenien an angang we ra kan awora pwonun insurance ren safei, nge rese kan tonong non pokiten a fakkun watte momon. Fan ekkoch sipwene kan aninis ne moni ewe momon.

Tumunu pwe kopwe ereni kich usun:

- Insurance ren Safei seni aramas (Private health insurance) kena en ika pwan emon a kan moni, pwan pachenongo insurance kena ra order seni kapung;
- Insurance ka angei ika tongeni angei seni ew nenien angang;
- Insurance ka kan angeni me seni ew nenien angang murin eom we angang a sopweno;
- Insurance a kawor seni emon sam/in kena ese kan nom reom;
- Insurance ka kan angei pwe ew anisinin retirement (*usun chok son fiu*);
- Insurance ka kan angei seni sukun;
- Ekkoch insurance ka kan pwonupwon seni nge ika mo pwe kose kan tongeni atoto ngeni me non ewe neni ka nom ie;
- Pwonun Safei kena usun chok OHP ka kan angei pwan seni ekkoch state. Ei a iten Medicaid/CHIP.

STEP 8 — Aneani me sainsi

Nupwen ka kan sainsi ewe taropwen aeoeo, en ka kan tipeew ngeni meinis kapas non **Step 8**.

Eom Pung me met kopwe fofori

Ekkei poraus non ei kinikin a lisini meta ewe Oregon Department of Human Services (DHS) me ewe Oregon Health Authority (OHA) ra tipeew pwe repwene fofori reom. Ikei eom kei “pung(rights.)” Epwan kan lisini met ka kan tipeew pwe kopwe kan fofori nupwen eom aeoeo ren ika angei aninisin safei. lei ekkei “met kopwe fofori(responsibilities.)”

Kose mochen aneafichi ei taropwe. Kopwe kan tongeni eisini chon angangen DHS pwe epwe aweweni ei taropwe ngonuk. Eis kapas eis ika pwe mi wor ekkoch mettoch kose kan weweiti. Ka kan tipeew pwe kopwe kan fori ekkoch mettoch nupwen en (*me eom family*) ka angei aninis seni DHS ika OHA. Kopwene kan nusunano ekkena aninis ika kopwene kan monsefani ngeni DHS ika OHA, ika pwe ka kan angei nap seni met kopwe kan angei.

Eom pung kena (*met kopwe kan angei seni DHS me OHA*):

- DHS me OHA repwe kan fofor ngonuk non asamwon non ew sakkun mi eoch me pwan mesononon.
- Mi wor pungum eom kopwe eis usun me pwan aeoeo ren ekkoch programen DHS ika OHA. Sipwene kan pwan tinokena ngeni ekkoch aninis kopwene kan mochen.
- Kopwe kan eis ren ew resit ren ekkena taropwe ka kan uwanong ngeni ew ofesin DHS ika OHA.
- Ka kan tongeni eis ren ew mwich fiti emon chon angang. Ka kan pwan tongeni eis pwe kopwe kapas ngeni emon aramas a kan nemenem.
- Ka kan tongeni eis ren aninis ren aeoeo, amasowa echo taropwe, ika repotini siwinin eom we kapasen fonu ka kan mochen.
- DHS ika OHA repwene kan ngonuk poraus non ew maak ika kapasen fonu kopwe kan weweiti.
- DHS ika OHA repwene kan fori me epwe eoch ngeni ekkewe mi wor osupwanger ren mokutukutur. DHS me OHA repwe tipwei ewe annuk ren chon Merika remi osupwang ren mokutukutur(Americans with Disabilities Act) me kinikin ewe (Section 504 of the Rehabilitation Act).
- Kopwene eis pwe kopwe kuna poraus usum mi nom non eom we file non eom case.
- Ika pwe mi wor eom “popun mi eoch(good cause,)” kopwene kan eis pwe kosapw kan angang fiti aninisin semerit. Popun mi eoch a wewen pwe ionien aninisin semerit epwene kan afeiengawok ika noum kewe semerit. DHS me OHA repwene ngonu taropwe kena epwe awewei popun mi eoch. Ekkeo taropwe ra erenuk ifa usun an Oregon we programen aninisin semeri (Oregon Child Support Program)meni epwene kan anisuk eom kopwe angei aninisin semerit, mi pachenong moni ren aninisin safei, me pwan isenuk me noum kewe semerit non tumun. DHS me OHA repwe kan pwan ponuwani eom kewe kapas eis usun popun mi eoch.
- Met ka kan ereni DHS me OHA esapw wor epwe sinei. Kopwe kan nengeni ach we ‘atoton ren foforon tumunun poraus esapw pwano ngeni emon(notice of Privacy Practices)’ online non <https://apps.state.or.us/Forms/Served/me2090.pdf> ika a kan pacheta non ofesin DHS kena.
- DHS me OHA repwene kan erenuk ika pwe ka kan naf ren ainis me non ewe nampan ran a kan nom fan:
 - » 90 ran ren finitan safei epwe anongonong won osupwangen mokutukut (*chionon chok non ekkoch fansoun mi fakkun kono*)
 - » 45 ran ren pwan ekkoch aninisin safei
- Kopwene kan eis ren ew arongorong ika pwe kose kan tipeew ngeni ew an DHS ika OHA finita.

- Emon chon angangen DHS epwe kan anisuk amasowanong ewe tungoren arongogong. Ika pwe ka kan angei tumun non imw ika tumun mi seni non neniach ika tumun non nursing home ese wor eom pung ren arongorong usun ew kleim angai sefanin neni. Kaeo chomong non ewe kinikinin Estate Recovery Program. Kopwe kan choke is ren ew arongorong me non 90 ran seni ewe attun ewe finita a foforuno.

Met foforieom (Meta kopwe kan fori):

Ika pwe ka kan nom non ew programen DHS ika OHA kopwe kan:

- Ngeni DHS me OHA pung, ese mwan me pwan unusen poraus.
- Awora pwaratan ekkoch mettoch ka kan repotini. Ika pwe kose kan tongeni awora pwaratan, iwe kopwe kan mut ngeni kich pwe sipwe kori ekkoch aramas ika ofes ren pwaratan nupwen sia mochen fori.
- Mut ngeni chon angangen DHS me OHA pwe repwe churi imwom pwe repwe angei poraus usun eom we case.
- Repotini siwin kena ngeni DHS me OHA.
- Anisi DHS me OHA angei pwarata ika pwe eom we case a kan finita ren ew chechek. Case kena ra kan finita ese nifinifin ren ar repwe fitinonong non ei chechek.
- Mutata katowowun eom porausen aninisin semerit seni ewe Department of Justice, Division of Child Support, ngeni DHS me OHA, nge ika chok mi wor popun mi eoch.
- Aeoeo ren me pwan eaea ekkoch sakkun aninis ika moni kena ka kan naf rer. Ei epwene kan pachenong ekkoch ekkei mi nom fan:
 - » Social Security
 - » Retirement seni Railroad
 - » Aninisin Son fiu
 - » Lodge me aninisin union
 - » Esapw mwanum pwonun afeiengawen emon, ina a kan nom non ew insurance ren chitosa.
 - » Insurance ren momon chon angang
 - » Insurance ren safei
 - » Medicare insurance
 - » Medicare
- Angei ekkena chekin semwen ka mochen ngeni awasanon noum we taropwen aeoeo ren aninisin safei.
- Ereni chon awora safeom ika a pwan wor ekkoch pwonun safei. Awewe kena a lisitiw me fan:
 - » Medicare
 - » Aninisin Son fiu
 - » Insurance ren momon chon angang
 - » Esapw mwanum pwonun afeiengawen emon, ina a kan nom non ew insurance ren chitosa.
 - » Pwan ekkoch pwonun safei
- Chon awora repwe kan tinano taropwen momo ngeni ekkoch insurance me mwan ar tinato tarowen momo ngeni DHS ika OHA ren eom tumunun safei. Ngeni nampan noum we IDiin safei mi katowow seni ewe state me mwan eom angei aninis.
- Ika mi fifis, fori momo iteiten maram ren eom kopwe akangei aninisin safei me aninis. Ekkei ukuku repwene kan fofor, ren an epwe siwin ren usun napenapen noum moni.
- Repot ngeni ewe kinikinin momon feiengawen emon(Personal Injury Lien Unit)me non 10 ran ika pwe en ika emon non eom family a fori me ruwow ekkei fan:
 - » Angei aninisin safei ika aninisin Oregon Health Plan (OHP).
 - » Mi wor ew kleim ngeni emon ren feiengaw ra fori.

Repotini siwin

Ika pwe ka kan angei aninis seni DHS ika OHA, kopwe kan repotini ekkena sakkun siwin kena ra kan ngaw ngonuk me pwan ekkoch kena ra kan pwan angei ewe aninis fituk. Ika pwe kose repotini siwin kena usun eom kopwe fori, iwe kopwene kan angei achomongonon aninis. Meinsin ekkena chon imwom ra ka ier 18 ika nap seni repwene kan eisindir pwe repwene monsefani ewe aninis.

Nupwen a mumuta eom kewe aninis, eom we atoto a erenuk met kopwe repotini me pwan inet. Ew me ew program a kan kono foforon ar repotini. Met kopwene ka repotini me pwan inet repwene kan kono.

Nupwen ka kan repotini ew siwin, ewe chon angang epwene kan asinei ngonuk ika pwe kopwe awora pwaratan. Ika pwe ewe siwin a ngaw ngeni pwan ekkoch aninis ka kan angei, iwe ewe ofes epwene kan asinei ngonuk. Ika pwe kose kan sinei ika kopwe kan repotini ew siwin, iwe kopwe kan eisini emon chon angang.

Ika pwe mi wor pwan ekkoch noum insurance

Ika pwe en ika pwan emon chon non eom family a wor pwan ew noun insurance ren safei, ereni ewe chon awora (*dokter, nenien safei, pharmacy ika pioin*) me mwan kopwe angei tumun. Ika pwe mi wor eom insuranc ren wom chitosa nge ka kan feiengaw non ew aksetenin chitosa ereni ewe chon awora usun noum we insurance ren wom we chitosa. Repwe kan billeni ewe ew insurance compeni me mwan ar billeni OHA. Ika DHS ika OHA a moni ew momon safei nge epwe fen momo seni ewe ew insurance, DHS ika OHA repwe fofori eoch ren ar repwe angei sefani nour we moni. Awewe chok:

- Ika DHS ika OHA a moni ew momo ew insurance seni aramas epwe kan moni, DHS ika OHA repwe satuni ar repwe angei sefani nour we moni seni ewe insurance compeni.
- Ika DHS ika OHA ra moni ew momon safei nge ewe chon awora a pwan momo seni ew insurance compeni, DHS ika OHA repwene satuni ne angei sefani nour we moni seni ewe chon awora.
- Ika DHS ika OHA ra moni ew momon safei nge ewe insurance compeni a tinngonuk ew check ren, DHS ika OHA repwene satuni ne angai sefani nour we moni senuk.

Asainin momo me met kopwe monano

Ren eom kopwe naf ren aninisin safei, kopwe kan mut ngeni DHS, OHA me eom we CCO angei ekkena moni repwe:

- En ika ekkoch kena ra kan angei aninisin safei fituk, angei ika wor ar pung pwe repwe angei seni ekkena momo seni annuk ren eom feiengaw ika momon safeom ra kan momo seni aninisin safei.

Ei mi pachenong moni seni ekkei ekkoch mi nom fan:

- Insurance ren safei seni aramas
- Aramas
- Insurance ren chitosa
- Pwan ekkoch neni

Ei ra kan aiiti ngeni “asainin momo (assigning payments)” ngeni DHS ika OHA me CCOs. Asainin momo mi kan automatik ren emon kena a kan angei aninisin safei. Ren eom kopwene sopwesopweno ne angei aninisin safei, en me ekkoch chon non eom family (*ngen ika epwene pachenong ekkena semerit ra uputiw mwach kan*) repwe kan anisi DHS ika OHA kuta me pwan angei ekkei momo me non ekkei fofor mi nom fan:

- Ereni DHS, OHA me eom we CCO pwe pwan emon aramas a kan afeiengawok ika emon chon non eom family me non 10 ran.
- Ngenir porausen ekkewe ra afeiengawok.
- Aninis ren pwan ekkoch poraus ra kan pwan tungor. Ei epwe pachenong porausen insurance.

Mi wor ew awukuk won ewe moni DHS ika OHA epwe angei. Esapw kan nap seni ewe ukukun momo ngeni ewe mon safei ewe emon epwene kan moni seni annuk.

Sipwene kan uwanong ew lien ren ekkena moni a kan momo seni emon a kan momo seni annuk ren ach sipwe karentinei momo ngeni DHS, OHA ika ew CCO.

Kopwe kan tipeew pwe ekkewe me fan repwe tongeni atowowu taropwen safei ngeni insurance compeni kena.

- Chon awora safei
- Nenien angang
- Poin
- Ofesen government

Ei epwe pwonu poraus usum me ekkoch chon eom family won aninisin safei. Ei epwe chok kan fis pwe DHS ika OHA repwe kan momo sefan.

Pwan ekkoch poraus

Eaeen Nampan Social Security (SSN)

Ei me fan epwe kan fis ika emon a mochen aeoeo ren moni ika aninisin mongo pwe repwe ngeni DHS me OHA nour nampan Social Security (SSN):

- Federal annuk (42 USC 1320b-7(a) and (b), 7 USC 2011-2036, 42 CFR 435.910, 42 CFR 435.920 and 42 CFR 457.340(b))
- An annukun ofor (Oregon Administrative Rule (OAR 461-120-0210))

Ika pwe ka kan awora ew SSN, iwe epwe kan amutirata oforun ewe taropwen aeoeo. Ika pwe emon ese kan wor ew noun SSN, churi www.ssa.gov ren poraus won ifa usun eom kopwe aeoeo ren ew.

- DHS me OHA repwene eaea noum SSN ren an epwe anisir ne finata ika en ka kan naf ren aninis. Sipwene kan eaea noum we SSN ren oforun ekkei me fan:
 - » Afata eom monitonong
 - » Afata pisekum
 - » Awewe fengeni taropwen state me federal usun chok ekkei me fan:
 - * Internal Revenue Services (IRS)
 - * Medicaid
 - * Aninisin semerit
 - * Ofesin Social Security
 - * Aninisin insurance ren ese wor angang
 - * Pwan ekkoch programen aninis ngeni meinisin.
- DHS/OHA repwene eaea noum SSN ren ar repwe amonata ioiin poraus ika repot kena ekkewe chon moni ekkewe program ra kan eis rer nupwen ka kan aeoeo ren ika angei aninis.
- DHS me OHA repwene aeae ika pwarano noum SSN:
 - » Ika sia mochen eaea ren chekin ewe program ka kan aeoeo ngeni ika angei aninis seni.
 - » Ren ach sipwe ofori chechekin eochun me aeochunao ofor.
 - » Ren ach sipwe afata ukukun momo me pwan angai sefani momo napen aninis.
 - » Ren ach sipwe afata pwe ese wor emon a angei aninis non nap seni ew imw.

Moni tonong me afatan pisekum

Ewe poraus ka kan awora non ewe taropwen aeoeo epwene kan no ngeni chechek me pwan afat seni federal, state me pwan chon angangen ofes non neniach. Nupwen sia finata eom naf ren aninisin safei, DHS me OHA ra kan eaea ewe me fan:

- Moni tonong me Afatan Nafen(Income and Eligibility Verification System (IEVS))
- Afatan Pisekin (Asset Verification System (AVS))

AVS a kan kut ren ekkewe me fan usum me pwan ekkena aramas repwe kan pwan awora porausen nour moni nupwen ka kan aeoeo ren me pwan angei aninisin safei. Ewe AVS a kut ren ekkei me fan, ika mo ika kose repotini:

- Nenien moni
 - » Bank accounts
 - » Credit union accounts
- Porausen Real property:
 - » Imw
 - » Fonuwom
- Porausen wom:
 - » Chitosa

Programen angai sefanin pisek

Ewe Programen angai sefanin pisek (Estate Recovery Program) ii ew program mi fakkun afitikoko ina a kan aeoeo ngeni ekkewe me fan:

- Aninisin safei
- An Oregon Programen Asopwesopwen Monitonong
- Unusenapen aninis
- Ekkoch sakkun aramas kena ra kan angei me ruwow aninisin Medicare me Medical non ew fansoun me wewe fengen.

Ewe popun ei angai sefani pisek epwe ren ach sipwe kuta momo sefani seni pisekin emonchon angei aninis a mano. Ekkoch moni a kan tosefaninong ngeni ewe government. Nge nusun a kan mon ngeni ekkoch program ren ekkoch aramas rekan mochen aninis. Mi wor chomong ra kan ekieki seni ewe angai sefani seni pisek.

An ewe state we pung ren an epwe angai sefani aninis seni fonuwom

DHS me OHA repwene kan kleimin moni seni fonuwom (*usun a awewe non ORS 416.350*) murin eom mano ika pwe ke fich ngeni ewe napenap me fan:

- Ika ewe me fan a fis, ewe ukukun aninisin safei epwene kan momo seni fonuwom we:
 - » Ka kan angei aninisin safei murin Oct. 1, 2013.
 - » Ka kan chinap seni ier 54 me pwan angei aninisin nongetamen aninis.

Ei mi pachenong momon Oregon Health Plan a kan fis fan itom ngeni ew nemenemen amonen tumun ika momo ngeni ew CCO.

- Ika ewe me fan a fis, ewe ukukun aninisin safei epwene kan momo seni fonuwom we:
 - » Ka kan angei aninisin safei murin Oct. 1, 2013.
 - » Ka kan chinap seni ier 54, ika a kan wor nounm ekkoch sakkun trusts:
 - * Konon mochenin trusts
 - * Nefinen monitonong trusts
- Ika pwe ka angei aninis me non ekkei sakkun me fan, epwene kan wor ew kleim ngeni fanuwom:
 - » An Oregon Programen Asopwesopwen Monitonong
 - » Ekkoch sakkun Unusenapen Aninis
 - » Ewe state a fori pwe epwe moni ew tipwen iteiten maram fan itom popun pwe ka kan angei me ruwow aninisin safei me Medicare Part D.

DHS me OHA repwene asopwano ewe kleim ika pwe punuwom mi chuen menau.

DHS me OHA resapw kan kleimini ei moni seni fonuwomuwe ika pwe emon ekkewe me fanchon eom family remi chuen menau:

- Emon pusin noum ika semerit ka mouti mi kis ierin seni 21. Kopwe Sinei: Ei esapw kan pachenong noun punuwom seni an pupunu me mwan.
- Emon pusin noum ika semerit ka mouti, ese nifinifin ierir, mi chuun ika osupwang mokutukutin usun a awewe seni tetenin Social Security.

Kopwe Sinei: Annuk me atetenin fofor usun kleim kena ngeni ew fonu epwene kan siwin nge esapw mo wor arongorongen.

Emon aramas a kan angei pisek seni emon a angang ngeni epwen kan eisini DHS ika OHA pwe repwe amorano ewe angai sefani seni pisek ika pwe ra kan fit ngeni ekkewe epwe fis ren ew ngawen osupwang amorono. Afanefanen won ifa usun tungoren ew ngawen osupwang amorono ra kan nom non ekkewe poraus ewe Estate Administration Unit a tinawow nupwen ra poputani foforon ewe angei sefani.

Kori ewe Estate Administration Unit non:
PO Box 14021
Salem, OR 97309-5024
Fon: 503-378-2884
1-800-826-5675 (*non Oregon chok*)
Fax: 503-378-3137

Paking ren ewe amwakuten pisek kena

Kosapw kan naf ren ekkoch aninis ika pwe ka kan amwakutu ew pisek ren kis seni met we pungun mon. Nupwen ka kan ngeni emon ika amomono ew pisek, sia era pwe ka kan amwakutu ewe pisek. Pisek ir monitonong me pwan mettoch mi wor momon. Awewe ra kan ekkei me fan:

- Imw
- Chitosa
- Pisek
- Moni

Kapas ngeni noum we chon angang me mwan eom kopwe amomono ika ngeni emon ekkoch pisek.

Ika ka kan amwakutu ew pisek iwe kosapw kan naf ren ekkewe aninis me fan:

- Aninisin nongetamen tumun (LTC):
 - » Imwen foster ren aramas nap
 - » Nenien Aninisin Nonom
 - » Aninis non imw
 - » Nenien tumunun safei
 - » Pwan ekkoch nenien tumun
- Aninisin Safei ren Aramas ra suseni moun

Sia nenese fan me mwan eom aeoeo ren ach sipwe kuna ika ekkoch amwakutun pisek epwene pung ren ew paking:

- Ren LTC sia nenese fan 5 ier.
- Ren Safean Chon suseni moun sia nenese fan 3 ier.

Ewe paking ren amwakutun pisek a poputa nupwen ka kan aeoeo me pwan ka kan naf. Ewe paking epwe aeoeo ngeni chok pisek kewe mi lisitiw me won. Ewe paking epwe pwe ren ach sipwene pinei eom tungor ren ena aninis. Ika pwe ka kan amwakutu ew pisek nupwen ka kan angei aninis mi kan pwan wor pakingen ena. Ewe paking epwe ren awukanon ewe aninis ren ew fansoun. Ika eom aninisin LTC a sopweno epwene kan akisano ika apungano eom ekkewe ekkoch aninis.

Aporausen me Sainin iten

Seni eom Saini ewe taropwen aeoeo, ka afata pwe:

- Ka weweiti pwe DHS me OHA repwene kan eaea state me federal computer databases me systems ren ar repwe cheki ekkewe poraus ka awora non ei taropwe. Ekkei epwe kan pachenong databases me systems kena ra kan awora poraus usun eom monitonong, pwan ekkoch insurance ren safeio, pachenong Medicare, social security, me pwan ika en chon fonu me ususun eom nonom ikei.
- Ka weweiti pwe ekkoch aninisin safei me pwan pisek epwene kan kawor mumutan me mwan (PA) me pwan ka kan angei ewe PA seni DHS, OHA, Coordinate Care Organization (CCO), ika amonen achufengenin tumun me mwen upwe angei katoton.
- En me punuwom ka kan tipeew pwe ekkoch momo ngeni kemi iteiten ier auwa repotini, DHS ika OHA repwene kan emon beneficiary.

- Ka weweiti pwe DHS me OHA resapw kan eaea momon ren ekkewe me fan ren kapachen eom nongetamen aninis ika pwe use kan repotinir:
 - » Nenien tumunun ekkena ese wor imwer
 - » Safei
 - » Tumunun semerit
 - » Aninisin semerit mi order seni kapung
- Ka weweiti me tipeew ngeni ekkewe poraus non ewe “Anea me Saini” kinikinin ewe taropwe aeoeo (*Step 8*) me ewe “Anea me saini” kinikinin ewe taropwen aeoeo awenewen.

APPENDIX A — Chinap me Aramas mi wor osupwengen mokutukutur (*Medicare*)

Sipwene kan mochen cheki ren program kena ra kan anongonong won ierum ika ren eom chuun ika osupwangen mokutukut ika emon non imwom mi aeoeo ren aninis nge ii mi:

- Angei ika naf ren Medicare
- 65 ika nap seni
- Tutungor ren nangetamen tumunun aninis

Sipwene kan mochen ekkena poraus non Appendix A ika pwe sia checheki ren ekkena program. Ika pwe kosapw kan pwan ponuweni ewe kapas eis non Appendix A iei, nge epwe chok amutirata foforun ewe taropwen aeoeo. Ika pwe sia checheki ekkena program, iwe sipwene mochen angei ew kapas eis fengen ngonuk. Sipwene tinngonuk echo taropwe ren ach sipwe forata ewe kapas eis fengen. Nupwen ka etto ren ewe kapas eis fengen, iwe sipwene nenengeni fengeni ekkewe kapas eis non Appendix A.
